

BOEREMUSIEKGILDE®

KULTUURORGANISASIE



GRONDWET

SOOS GOEDGEKEUR OP 8 OKTOBER 2010



GRONDWET

INHOUDSOPGAWE

<u>ITEM</u>	<u>BESKRYWING</u>	<u>BLADSY</u>
1.	NAAM MISSIE & VISIE	4
2	STIGTINGSDATUM	4
3.	DOEL EN OOGMERKE	4
4.	BELEID	5
5.	AFFILIASIE	5
6.	BESTUUR	6
6.1	Hoofbestuur	6
6.2	Streekbestuur	6
6.3	Takbestuur	6
6.4	Verkiesing van bestuurslede	6
6.5	Vakatures	6
7.	DIENSTYDPERK VAN BESTUURSLEDE	7
8.	VERGADERINGS	7
8.1	Algemene jaarvergadering	7
8.2	Buitengewone algemene vergadering	7
8.3	Jaarvergaderings	7
8.4	Bestuurs- / komiteevergaderings	8
8.5	Volmag (Prokurasie)	8
8.6	Kongresse	8
9.	LIDMAATSKAP	9
9.1	Lid	9
9.2	Lewenslange lid	9
9.3	Lewens Ere-lid	9
9.4	Ere-President	9
5	Beskermheer /-dame	10
10.	GEOGRAFIESE INDELING	10
11.	STIGTING VAN NUWE TAKKE / AFSTIGTING VAN TAKKE	10
12.	FINANSIES	10
13.	FUNKSIES	11
14.	HONORARIA	11
15.	OPENBARE SKAKELING	11
16.	DISSIPLINE	12
17.	VOORDELE VAN LEDE	12



GRONDWET

18.	REGSPERSOONLIKHEID	13
19.	EIENDOMSREG	13
20.	ONTBINDING	13
21.	RSA GRONDWET & LANDSWETTE	14
22.	ALGEMEEN	14
23.	VERTOLKING	14
	<u>BYLAES</u>	
1	GEDRAGSKODE	15
2	VOORSKRIFTE VIR VOLMAGTE	16
2A	VOLMAG / PROKURASIE VORM	17



GRONDWET

1 NAAM – VISIE & MISSIE

1.1 NAAM

Die naam van die die organisasie is **BOEREMUSIEKGILDE**, hierna genoem die **GILDE**, welke naam en gepaardgaande embleem geregistreer is by die Department van Handel en Nywerheid by wyse van sertifikaatnommer 2003/06333 gedateer 18 April 2003.

1.2 VISIE

Om as kultuurorganisasie ons volkseie kultuurmusiek in die Boeremusiek-idiom te bewaar, te bevorder, te bestuur en dinamies te laat groei en ontwikkel om saam met veranderende tye te moderniseer sonder om afbreuk te doen aan die historiese inslag of basis daarvan.

1.3 MISSIE

Om Boeremusiek in al sy vorme, tradisioneel en modern, te bevorder en sover en omvattend as moontlik aan alle lede asook Boeremusiek liefhebbers die geleentheid te bied om deel te neem aan en die genot van Boeremusiek op 'n direkte basis deelagtig te wees en deur middel van ontwikkelingsaksies die jeug te onderrig in die speel en waardering van hierdie kultuurmusiek om sodoende 'n standhoudende liefde daarvoor te vestig en om deur optredes, funksies, opnames en deelname Boeremusiek vir die nageslag te bewaar.

2. STIGTINGSDATUM

Die stigtingsdatum van die **GILDE** is 9 Oktober 1989.

3. DOEL EN OOGMERKE

3.1 Die **GILDE** is 'n NIE-WINSGEWENDE, NIE-POLITIEKE KULTUUR-ORGANISASIE wat ten doel het die behoud, bevordering en uitbouing van Tradisionele – en Eietydse Boeremusiek, waarby ingesluit is ligte Afrikaanse Musiek in die ritmiese idiom. Klem word geplaas op Boeremusiek.

3.2 Ten einde dié doel te verwesenlik word die volgende oogmerke daargestel:

3.2.1 Die werf van lede vir die **GILDE**;

3.2.2 Die verspreiding van Boeremusiekopnames;

3.2.3 Die daarstelling van werksinkels om beginner musikante te onderrig;

3.2.4 Om konserte, feeste, byeenkomste en gesellighede waar Boeremusiek die aantrekkingskrag is, aan te bied en aan te moedig;

3.2.5 Om Boeremusiek in alle vorms daadwerklik te bevorder;

3.2.6 Om die jeug te betrek ten einde belangstelling in Boeremusiek by hulle te wek, te kweek en te bevorder;

3.2.7 Om Boeremusiek-uitsendings oor die Radio en TV te bewerkstellig;



GRONDWET

- 3.2.8 Om fondse in te samel by wyse van borgskappe of ander metodes ten einde uitvoering aan die oogmerke van die **GILDE** te gee;
- 3.2.9 Om as adviesliggaam te dien vir die media, platebedryf en ondersteuners van Boeremusiek en sal deur die Hoofbestuur behartig word.
- 3.2.10 Om 'n bemarkingsarm te vestig en te beliggaam in 'n vrystaande privaat maatskappy, vir die koop, verkoop, bevordering, bemarking en aanbieding van produkte, gegeneer of geproduseer deur Gildelede, of ander bedryfsbates, plaaslik en op internasionale markte.

4. BELEID

- 4.1 Die beleid van die Gilde word vervat in die Grondwet. Enige wysigings, byvoegings of herroeping van enige deel daarvan sal slegs van krag wees indien goedgekeur by 'n Nasionale Algemene Jaarvergadering met 'n meerderheidsbesluit van minstens sestig persent (60%) van die lede teenwoordig.
- 4.2 Enige versoek vir 'n wysiging of byvoeging van 'n beleidsaangeleentheid t.o.v die Grondwet moet skriftelik deur 'n lid van die Gilde aan Hoofbestuur via die betrokke Tak- en Streekbestuur, besorg word.
- 4.3 Die wysiging of toevoeging wat voorgestel word, moet duidelik in 'n versoekskrif vermeld word.
- 4.4 Streekkantore sal by ontvangs van sodanige skrywe dit onverwyld deurgee aan Hoofkantoor, wat op hulle beurt alle lede skriftelik van sodanige versoek sal verwittig sodat die aangeleentheid tydens 'n Nasionale Algemene Jaarvergadering bespreek kan word.
- 4.5 Ter aanvulling en/of ter wille van verduidelikende omskrywing van enige voorafbestaande grondwetbepaling, behou die Hoofbestuur van die Gilde die reg van uitbreiding voor ten einde enige klousule, soos vervat in die Grondwet, te enige tyd met 'n meerderheidsbesluit toe te lig by wyse van 'n beskrywende regulasie (hierna genoem regulasienuommer), indien daar enige motivering bestaan dat sodanige klousule meer omvattend omskryf moet word met die doel om 'n beter toepassingsbeleid te bewerkstellig. Sodanige regulasie sal in die spesiale diskresie van die Hoofbestuur berus en slegs by wyse van kennisname aan lede bekendgemaak word.

5. AFFILIASIE

Die **GILDE** kan met die goedkeuring van die Hoofbestuur by enige organisasie met dieselfde oogmerke en doelstellings affilieer, of enige sodanige organisasie toelaat om by die **GILDE** te affilieer.



GRONDWET

6. BESTUUR

6.1 HOOFBESTUUR

Die Hoofbestuur (*ook na verwys as Hoofkantoor*) van die Gilde bestaan uit 'n Nasionale Voorsitter, Ondervoorsitter, Tesourier, Sekretaris, die Voorsitters van Noord- en Suidstreke, asook enige gekoöpteerde komponent gedurende die termyn, wat Hoofbestuur in staat sal stel om bedrywighede van die Gilde na behore te bedryf en te bestuur. (Verwysing na die Jeug, ens.)

6.2 STREEKBESTUUR

Die Streekbestuur, (*ook na verwys as Streekkantoor*), bestaan uit 'n Voorsitter, Ondervoorsitter, Tesourier, Sekretaris en die Voorsitters van die Takke in die Streek, asook enige gekoöpteerde lid gedurende die termyn na gelang van die ontstaan van spesiale behoeftes.

6.3 TAKBESTUUR

Die Takbestuur bestaan uit 'n Voorsitter, Ondervoorsitter, Tesourier, Sekretaris en 'n minimum van een (1), maar nie meer as drie (3), addisionele bestuurslede, asook enige gekoöpteerde lid gedurende die termyn, na gelang van die ontstaan van spesiale behoeftes.

6.4 VERKIESING VAN BESTUURSLEDE

6.4.1 Die Nasionale Voorsitter, Ondervoorsitter, Sekretaris en Tesourier word by 'n Nasionale Algemene Jaarvergadering verkies. Dienende lede is herkiesbaar.

6.4.2 Die Streekvoorsitter, Ondervoorsitter, Sekretaris en Tesourier word by die Jaarvergadering van die Streek verkies. Dienende lede is herkiesbaar.

6.4.3 Die Takvoorsitter, Ondervoorsitter, Sekretaris, Tesourier en Addisionele bestuurslede word by die Jaarvergadering van die Tak verkies. Dienende lede *is herkiesbaar*.

6.4.4 Geen Bestuur op enige vlak sal in bestaande groepsverband herkies word nie, maar individueel per posbehoefte.

6.4.5 Slegs verkose bestuurslede het stemreg tydens Bestuursvergaderings, 6.5.2, 6.5.3 en 8.4.3 uitgesonderd.

6.5 VAKATURES

6.5.1 Wanneer die pos van Voorsitter vakant raak, word die betrokke Ondervoorsitter *ipso facto* die Voorsitter.

6.5.2 Wanneer ander poste in die Hoofkantoorvlak vakant raak moet die Hoofbestuur 'n lid beklee met volle magte, aanstel om die pos vir die res van die termyn te vul.



GRONDWET

- 6.5.3 Wanneer ander poste op bestuursvlak in 'n Streek- of Tak vakant raak, moet die Streek-/Takbestuur 'n lid, beklee met volle magte, aanstel om die pos vir die res van die termyn te vul.

7. DIENSTYDPERK VAN BESTUURSLEDE

Alle lede, wat in verkose ampte dien, sal vir 'n tydperk van minstens een *termyn in die betrokke pos dien, met dien verstande dat sodanige verkose lede volwaardige en opbetaalde lede van die Gilde is. (*AJV tot AJV)

8. VERGADERINGS

8.1 ALGEMENE JAARVERGADERING - NASIONAAL

Die Nasionale Algemene Jaarvergadering van die GILDE sal jaarliks, gedurende Oktober, roterend in die Noord- en Suidstreek gehou. 'n Minimum aantal van twintig (20) opbetaalde lede teenwoordig sal geag word 'n kworum te wees. Besluite wat deur 50% (+1) ondersteun word, word aanvaar.

8.2 BUITENGEWONE ALGEMENE VERGADERINGS

8.2.1 BUITENGEWONE ALGEMENE VERGADERINGS mag deur Hoofbestuur belê word of indien daarvoor aangevra word en dit die steun van minstens twee-derdes van die Hoofbestuur geniet, in welke geval die vergadering belê sal word in die Streek waar die voorstel ingedien is. Twintig (20) opbetaalde lede teenwoordig sal geag word as 'n kworum. Besluite wat deur 50% (+1) ondersteun word, word aanvaar.

8.2.2 Aansoekers van so 'n Buitengewone Algemene Vergadering moet 'n skriftelike gemotiveerde aansoek aan die Voorsitter rig, minstens een en twintig (21) dae voor die datum van die vergadering. Die punt(e) vir bespreking moet duidelik in die aansoek gemeld word. Die Voorsitter moet alle betrokkenes minstens een (1) week voor die vergadering van alle verwante inligting voorsien.

8.2.3 Slegs die punt(e) waarvan kennis gegee was, mag tydens die vergadering bespreek word. Die Hoofbestuur mag tydens die vergadering die nodige stappe doen om probleme op te los.

8.2.4 Buitengewone Algemene vergaderings op Streek- en Takvlak moet die steun van minstens twee-derdes van die betrokke Bestuur geniet, by gebrek waarop Hoofbestuur sodanige versoek sal oorweeg.

8.3 ALGEMENE JAARVERGADERINGS – STREKE EN TAKKE

8.3.1 Streke hou onderskeidelik een maal per jaar, gedurende Augustus, jaarvergaderings. By 'n Jaarvergadering sal vyftien (15) opbetaalde lede of een-derde van die Streek-ledetal, watter getal ookal die kleinste is, geag word 'n kworum te wees. Besluite wat deur 50% (+1) ondersteun word, word aanvaar.



GRONDWET

8.3.2 Takke hou onderskeidelik een maal per jaar, gedurende Julie, jaarvergaderings. By 'n Jaarvergadering sal tien (10) opbetaalde lede of een derde van die Tak-ledetal, watter getal ookal die kleinste is, geag word 'n kworum te wees. Besluite wat deur 50% (+1) ondersteun word, word aanvaar.

8.4 BESTUURS-/KOMITEEVERGADERINGS

8.4.1 Alle ander vergaderings sal in hierdie kategorie gehanteer en maandeliks gehou word soos bepaal deur die Streek-/Takbesture. Vyftig persent (+1) van die Bestuurslede sal geag word 'n kworum te wees. Besluite wat deur 50% (+1) van die lede teenwoordig ondersteun word, word aanvaar.

8.4.2 Indien by enige van genoemde vergaderings nie voldoende lede is om 'n kworum te vorm nie, sal die Voorsitter van sodanige vergadering die vergadering uitstel vir sewe (7) dae en 'n tweede vergadering belê om plaas te vind op 'n tyd en plek deur hom/haar bepaal. Alle lede teenwoordig (ongeag die hoeveelheid) by so 'n tweede vergadering sal voldoende geag word om 'n kworum te vorm vir sodanige vergadering.

8.4.3 Bestuurslede wat afwesig is by drie (3) agtereenvolgende vergaderings, sonder 'n voorafgaande verskoning, se pos sal vakant verklaar word. Die betrokke Bestuur is by magte om 'n opbetaalde lid, beklee met volle magte, in daardie pos aan te stel vir die res van die termyn.

8.4.4 Notules van alle vergaderings moet bygehou word en na goedkeuring by 'n volgende vergadering deur die Voorsitter onderteken word.

8.4.5 Die Voorsitter het, in alle gevalle, die reg om, bo en behalwe sy normale stem, 'n beslissende stem uit te bring in die geval van 'n gelykop uitslag.

8.5 VOLMAG/PROKURASIE

Volmagte (Prokurasies) mag gebruik word in gevalle waar lede nie self 'n vergadering kan bywoon nie. Sien Bylaag 2 vir Volmag vereistes/prosedures en Bylaag 2A vir Volmag Vorm.

8.6 KONGRESSE

In die uitsluitlike diskresie van die Hoofbestuur, kan daar 'n kongres belê word om aangeleenthede van spesifieke belang te bespreek. Hierdie kongres sal slegs in rigtinggewende belang aangewend word, sonder enige uitvoerende gesag. Besluite sal oorgedra word na die AJV vir oorweging en goedkeuring deur Boeremusiekgilde-lede.

9. LIDMAATSKAP

Lidmaatskap is onderhewig aan die goedkeuring van die Takbestuur waar 'n voornemende lid aansoek doen, asook dié finale goedkeuring van die Streekbestuur en die aanvaarding, deur die voornemende lid, van die voorwaardes en reëls van die Gedragskode (Sien bylaag 1). Vir die doel van die Grondwet is 'n "lid" enige ingeskrewe lid van die **GILDE** wie se ledegeld tot op datum betaal is.



GRONDWET

9.1 LID

'n Persoon is 'n lid as hy/sy behoorlik hierom aansoek gedoen het op die voorgeskrewe aansoekvorm, die voorgeskrewe ledegeld, soos bepaal tydens 'n Nasionale Algemene Jaarvergadering, vir/deur die persoon betaal is en hy/sy as lid aanvaar is. Lidmaatskap is geldig vanaf 1 Julie tot 30 Junie en is slegs geldig tot die datum/dag voor verjaring van die lidmaatskap. Nuwe lede, wat tussen hierdie datums aansluit, se ledegeld sal vir die res van die betrokke jaar op 'n pro-rata grondslag bereken word.

9.1.1 Lidmaatskap verleen aan 'n lid stemreg, asook die reg om op komitees, van die Tak/Streek waar hy/sy geregistreer is asook op Nasionale vlak, te dien.

9.1.2 'n Lid word beperk tot lidmaatskap van slegs een Tak op enige gegewe tydstep.

9.1.3 'n Lid moet skriftelik by sy/haar Tak aansoek doen vir oorpasing na 'n ander Tak.

9.2 LEWENSLANGE LID

9.2.1 'n Lid kan, deur die betaling van 'n eenmalige voorgeskrewe bedrag soos bepaal deur die Nasionale Algemene Jaarvergadering en na goedkeuring van die Hoofbestuur, 'n lewenslange lid van die Gilde word.

9.2.2 'n Sertifikaat sal deur Hoofkantoor aan so 'n lid uitgereik word ten einde lewenslange lidmaatskap te bevestig.

9.2.3 Lewenslange lede en gades verkry gratis toegang tot enige gewone funksie van die **GILDE**.

9.2.4 Alle lewenslange lede aan wie gratis lewenslange lidmaatskap toegeken is tot 30 Junie 1998, behou daardie status.

9.3 LEWENS ERE-LID

9.3.1 Lewens Ere-lidmaatskap sal oorweeg en aan 'n lid toegestaan word, in die uitsluitlike diskresie en goedkeuring van Hoofbestuur, indien 'n skriftelike motivering deur die Takbestuur, met aanbeveling deur die Streekbestuur, ontvang en aanvaar word.

9.3.2 'n Sertifikaat sal deur Hoofkantoor uitgereik word om Lewens Ere-lidmaatskap te bevestig.

9.3.3 Geen lidmaatskapsgeelde is hierna betaalbaar nie.

9.3.4 Lewens Ere-lede en hul gades/met-geselle verkry lewenslange gratis toegang tot enige funksie van die **GILDE**

9.4 ERE-PRESIDENT

9.4.1 'n Ere-President word by die Algemene Jaarvergadering verkies uit die lede van die **GILDE** vir 'n termyn van een jaar en mag vir 'n tweede termyn van een jaar verkies word waarna hy/sy moet uittree. Slegs een Ere-President word verkies en 'n sertifikaat word aan die persoon uitgereik. 'n Ere-



GRONDWET

Presidentsketting word aan die verkose persoon oorhandig om tydens amptelike funksies gedra te word. Aan die einde van sy/haar termyn word

'n "Oud Ere-President" medalje oorhandig. Die Ere-Presidentsketting bly die eiendom van die GILDE.

9.4.2 'n Ere-President is vrygestel van ledegeld en hy/sy en sy/haar gade / metgesel verkry gratis toegang tot alle funksies van die **GILDE** tydens sy/haar ampstermyn.

9.5 BESKERMHEER/-DAME

'n Persoon kan, uit hoofde van sy/haar publieke amp, of as 'n spesiale voordeel vir wat hy/sy vir die Gilde bewerkstellig het, as Beskermheer/-dame van die GILDE op Nasionale, Streek- of Takvlak genomineer word. Die besluite ten opsigte van die benoeming van sodanige persoon sal tydens die betrokke Algemene Jaarvergadering geneem word en is jaarliks hersienbaar. Beskermheer/-dames en hul gades is vrygestel van ledegeld tydens hul termyn en verkry gratis toegang tot enige funksie van die GILDE.

10. GEOGRAFIESE INDELING

Die Republiek van Suid-Afrika is in die volgende streke verdeel:

NOORDSTREEK: Noord-Wes Provinsie, Limpopo Provinsie, Mpumalanga, Gauteng, Vrystaat, Kwazulu-Natal en Noord-Kaap (Noord van die Oranjerivier).

SUIDSTREEK: Wes-Kaap, Oos-Kaap en Noord-Kaap (Suid van die Oranjerivier)

11. STIGTING VAN NUWE TAKKE/AFSTIGTING VAN BESTAANDE TAKKE

'n Nuwe Tak mag gestig word/afstig met die skriftelike goedkeuring van die betrokke Streekbestuur. Die voorwaardes met betrekking tot stigting/afstigting word deur die betrokke Streekbestuur bepaal, onderhewig aan die bepalings van die Grondwet en goedkeuring van Hoofbestuur.

12. FINANSIES

12.1 Die finansiële jaar van Hoofkantoor, Streekkantore en Takke van die **GILDE** strek vanaf 1 Julie tot 30 Junie.

12.2 Hoofkantoor, Streekkantore en Takke moet 'n bankrekening by 'n erkende handelsbank open in die naam van die '**BOEREMUSIEKGILDE**' en 'n aanduiding van die betrokke Streek of Tak.

12.3 Alle fondse ontvang moet verreken word deur middel van kwitansies wat uitgereik moet word. Uitgawes (betalings) wat in kontant gedoen word, moet deur stawende dokumente bewys word. Kontant en alle tjeks ontvang, moet in die betrokke bankrekening inbetaal word.



GRONDWET

- 12.4 Magtiging vir enige finansiële transaksie moet by 'n vergadering deur die betrokke Bestuur bepaal en skriftelik goedgekeur word.
- 12.5 Ten opsigte van die bedrae van tjeks by uitreiking word die volgende beperkings gestel en handtekeninge verlang:
- 12.5.1 Bedrae tot en met Eenduisend Rand (R1 000.00): Twee (2) handtekening van gevolmagtigde Bestuurslede. Bedrae tot en met Eenduisend Rand (R1 000.00):
- 12.5.2 Bedrae wat Eenduisend Rand (R1 000.00) oorskry: Twee handtekening van gevolmagtigde Bestuurslede nadat skriftelike magtiging vir die uitreiking van sodanige tjek, vooraf by'n Bestuursvergadering verkry is.
- 12.5.3 Alle Uitgawes moet met stawende dokumente bewys word.
- 12.5.4 Geen uitgawe, behalwe normale lopende uitgawes, mag aangegaan word nie tensy vooraf by 'n komitee-vergadering goedgekeur.
- 12.5.5 Gevolmagtigde Bestuurslede mag geensins, in enige hoedanigheid aan mekaar verwant wees nie.
- 12.6 Aan die einde van 'n finansiële jaar moet die betrokke Voorsitter toesien dat finansiële state van inkomstes/uitgawes, bates en laste, opgestel deur 'n onafhanklike rekenpligtige beampte, beskikbaar gestel word vir voorlegging en goedkeuring tydens 'n **Algemene** Jaarvergadering of, in die geval van **Hoofkantoor**, by die *Nasionale* Algemene Jaarvergadering.
- 12.7 Die betrokke Bestuur beskik oor alle magte en bevoegdhede wat nodig mag wees en regtens toelaatbaar is om behoorlik uitvoering aan die doelstellings van die **GILDE** te verleen.
- 12.8 Die aanwending van enige fondse word aan die diskresie van die betrokke Bestuur oorgelaat, met dien verstande dat dit in belang van Boeremusiek moet wees.
- 12.9 Ledegeld word verdeel tussen die Tak, Streek en Hoofkantoor soos bepaal deur die Nasionale Algemene Jaarvergadering.
- 12.10 Geen lid mag enige oortrokke fasiliteit, lening by 'n bank, 'n finansiële instelling of 'n privaat persoon namens die Gilde aangaan nie en enige waarde van kontant, wat as kleinkas gehanteer word, word beperk tot 'n maksimum van R1 000 (een duisend Rand)
- 12.11 Die Bestuur van Takke, Streke en Hoofkantoor aanvaar volle aanspreeklikheid vir enige onreëlmatighede met betrekking tot alle bank dienste (Internet Dienste, Elektroniese Kaart oorplasing ens.) soos deur die Tak, Streek en/of Hoofkantoor aangegaan.
- 12.12 Die Boeremusiekgilde geniet vrystelling van inkomstebelasting in ooreenstemming met die Suid-Afrikaanse Inkomste Diens (SAID) vrystelling, verwysingsnommer 93 000 1536, gedateer 15 Julie 2001.

13. FUNKSIES



GRONDWET

- 13.1 Takke moet eie fondse genereer vir gebruik tydens funksies deur hulle aangebied en ter delging van alle lopende onkoste. Die metodes van aanbidding van funksies word aan die diskresie van die betrokke Bestuur oorgelaat.
- 13.2 Fondse mag by wyse van 'n toegangsfooie, borge, lotingverkope of donasie en verkoping ge-in word.

14. HONORARIA

Die betrokke Bestuur besluit oor die honorarium wat betaal word aan bestuurslede. Hierdie betalings word gedoen uit eie rekening.

15. OPENBARE SKAKELING

Elke Streek bepaal wie hierdie funksie vervul.

16. DISSIPLINE

Alle klagtes sal skriftelik via 'n Takbestuur aan die betrokke Streekbestuur gerig word. 'n Lid en/of bestuurslid van die Gilde kan sy/haar lidmaatskap/pos verbeur indien:

- 16.1 Hy/sy in die oordeel van die betrokke Streekbestuur sodanig handel dat dit die doel, oogmerke, goeie orde of naam van die GILDE of enige lid van die Gilde, skaad;
- 16.2 Hy/sy nalaat om volgehoue lidmaatskap te betaal;
- 16.3 Hy/sy uit eie vrye wil bedank as lid van die **GILDE** met die duidelike verstandhouding dat geen deel van enige lidmaatskapfooie aan so 'n persoon terugbetaal sal word nie;
- 16.4 'n Kommissie van Ondersoek mag deur die betrokke Streekbestuur aangewys word om ongerymdhede te ondersoek, daarvoor verslag te doen en 'n aanbeveling te doen vir optrede.
- 16.5 Die Gedragskode van die **GILDE** vorm 'n integrale deel van die Grondwet en word as 'n bylaag ingesluit.

17. VOORDELE AAN LEDE

'n Lid is geregtig op die ondergenoemde algemene voordele terwyl hy/sy 'n lid van die **GILDE** is:

- 17.1 Alle lede en hulle gades is geregtig op toegangsafslag by amptelike funksies;
- 17.2 Promosiemateriaal soos plate, musiekkassette en-skywe mag teen voorkeurpryse aan lede beskikbaar gestel word;
- 17.3 Deur gereelde betaling van lidmaatskapfooie verseker lede dat die **GILDE** projekte kan aanpak wat Boeremusiek bewaar, bevorder en uitbou;



GRONDWET

- 17.4 Musikante en liefhebbers kan gelykmatig voordeel trek uit die aanwending van fondse by wyse van byvoorbeeld konsertaanbiedings, asook die skoling van die jeug in die waardering van Boeremusiek;
- 17.5 Alle ingeskrewe lede het 'n stem in die bestuur van die **GILDE**;
- 17.6 Lede dans by, en luister na musiek van 'n lewendige orkes;
- 17.7 Lede ontvang die **GILDE** se nuusbriewe waarin alle funksies en ander nuus verskyn. Hulle bly dus ingelig.
- 17.8 Lede verkeer saam met geesgenote.
- 17.9 Ere-lede en hulle metgeselle verkry gratis toegang tot enige gewone funksie in enige streek.
- 17.10 Lede kan relevante artikels en dienste gratis landswyd deur die Gilde adverteer. Dienste moet voordele vir die lede inhou. Die finale besluit berus by die betrokke bestuur.
- 17.11 Indien 'n lid 'n musiekinstrument wil leer bespeel kan musikante van die **GILDE** na goeddunke deur middel van werkswinkels onderrig verskaf.
- 17.12 Lede is ook geregtig op die aankoop en dra van enige kledingstuk of juweliersware deur die **GILDE** aangebied of wat eie is aan die **GILDE** of waarmee die **GILDE** geassosieer word.
- 17.13 ***LEDE ONDERSTEUN 'N KULTUUR-ORGANISASIE. DIT IS 'N KOLLEKTIEWE VOORDEEL.***

18. REGSPERSOONLIKHEID

- 18.1 Die betrokke Streekbestuur, in oorleg met Hoofbestuur, besluit oor die instel of verdediging van regsgedinge in oorleg met die Hoofbestuur en benoem 'n bevoegde persoon om as verteenwoordiger op te tree.
- 18.2 Die betrokke Streekbestuur kan ook regte en verpligtinge namens sy Streek aangaan, mits sodanige regte en verpligtinge deur die Hoofbestuur goedgekeur is.

19. EIENDOMSREG

Die Tak-, Streek- en Hoofkantoor-eiendom is vanuit die betrokke Tak, Streek en Hoofkantoor fondse en of skenkings verkry en daarom beskik slegs die betrokke Tak-, Streek- of Hoofbestuur, eiendomsreg en beheer van sodanige eiendom.

20. ONTBINDING

Die Boeremusiekgilde sal nie ontbind word nie, tensy:

- 20.1 Skriftelike aanduiding van alle Takke ontvang is dat sodanige optrede voor die handliggend is en/of in die geval van insolvensie.



GRONDWET

- 20.2 Hoofbestuur 'n Buitengewone Nasionale Algemene Vergadering, wat vir hierdie spesifieke doel belê is en waartydens 'n minimum van twintig (20) opbetaalde lede teenwoordig moet wees, daaroor 'n besluit neem. Minstens 60% van die teenwoordige lede moet ten gunste van ontbinding stem.
- 20.3 Daar moet minstens een en twintig (21) dae kennis gegee word van so 'n vergadering en die kennisgewing waarin so 'n vergadering belê word, moet duidelik meld dat die kwessie van ontbinding van die **GILDE** en beskikking oor sy bates oorweeg sal word.
- 20.4 Indien daar by ontbinding van die **GILDE** enige bates hoegenaamd oorbly nadat skulde vereffen en verpligtinge nagekom is, sal die bates nie betaal word of verdeel word onder lede van die **GILDE** nie, maar aan 'n aanvaarbare instansie of organisasie, met ooreenstemmende doelwitte en oogmerke as die Gilde, deur die lede teenwoordig by die buitengewone Nasionale Algemene Vergadering wat vir die doel belê is, begunstig word.
- 20.5 Indien 'n Streekbestuur na deeglike ondersoek en oorweging sou besluit dat een van sy Takke nie na wense funksioneer nie of as gevolg van re-organisasie oorbodig raak, kan so 'n Tak ontbind word. By ontbinding van 'n Tak sal alle bates na delging van alle laste aan die betrokke Streekkantoor oorgedra word.

21 RSA GRONDWET & LANDSWETTE

Hierdie Grondwet is onderhewig aan die Grondwet van die Republiek van Suid-Afrika asook alle landswette.

22 ALGEMEEN

Enige aspek wat in die besonder nie in die grondwet omskryf is nie, moet skriftelik na Hoofkantoor verwys word vir uitsluitel.

23 VERTOLKING

In 'n geval waar twyfel bestaan oor die betekenis of vertolking van enige Klousule of Regulasie, soos vervat in die Grondwet, sal Hoofbestuur se skriftelike, gemotiveerde besluit oor die betekenis of vertolking daarvan finaal en bindend wees.

GOEDGEKEUR BY ALGEMENE JAARVERGADERING GEHOU OP 8 OKTOBER 2010 BY
DIE VOORTREKKER MONUMENT, PRETORIA


.....
WILLIE MYNHARDT
NASIONALE VOORSITTER

08/10/2010
Datum



GRONDWET

BYLAAG 1

GEDRAGSKODE

As 'n Kultuurorganisasie wat die bevordering van ons musiekerfenis ten doel het en getrou is aan die morele standaard soos voorgehou deur ons Afrikaner volk, onderneem en onderskryf elke lid van die Boeremusiekgilde die volgende gedragskode:

1. Elke byeenkoms sal met gebed geopen word.
2. Elke lid sal homself gedra in terme van die bepalings van die Grondwet van die Boeremusiekgilde en homself onderwerp aan die tug van die Tak/Streekbestuur indien sy optrede van sodanige aard is dat dit die Gilde of enige lid in diskrediet mag bring of nadelige gevolge mag hê vir die Boeremusiekgilde of enige lid se goeie naam.
3. Kleredrag sal in ooreenstemming met aanvaarbare en voorgeskrewe standaard wees.
4. Dronkenskap, brassery, gebruik van vuil taal, lastigheid en enige daad wat verrig word as gevolg waarvan die goeie naam van die Boeremusiekgilde of enige lid skade mag ly, sal nie geduld word nie.
5. Enige lid wie optree soos hierbo verbied word stel sy lidmaatskap in gedrang.
6. Die uitreiking van 'n lidmaatskapkaart is bewys dat elke houer van sodanige kaart homself vereenselwig met hierdie gedragskode.



GRONDWET

BYLAAG 2

VOORSKRIFTE VIR VOLMAGTE

1. Alle volmagte moet die oorspronklik getekende dokumente wees.
2. Die volmaggewer se naam, I.D.nommer, adres en die tak waar hy/sy 'n ingeskrewe lid is moet op die dokument verskyn.
3. Die volmagontvanger se naam, I.D.nopmmmer, adres en die tak waar hy/sy 'n ingeskrewe lid is moet op die dokument verskyn.
4. Slegs op datum opbetaalde lede mag volmag verleen aan 'n ander opbetaalde lid.
5. Beide die volmaggewer en die volmagontvanger moet die oorspronklike dokument onderteken.
6. Geen faks volmagte sal aanvaar word nie.
7. Die volmag moet by registrasie van bywoning verklaar word sodat die ledebesonderhede daarop gekontroleer kan word.
8. By registrasie moet die volmagte op die presensielys aangeteken word en 'n sertifikaat/nota aan die volmaghouer uitgereik word wat aandui watter lid hy/sy verteenwoordig.
9. Tydens konstituering moet elke lid wie volmagte het dit weer verklaar en die aantal volgens registrasie bekend maak.
10. Die voorsitter moet toesien dat die maksimum totale aantal stemme wat aldus uitgebring kan word tydens konstituering aangeteken word, bv. 15 lede teenwoordig + 10 volmagte = 25 stemme.
11. Geen enkele lid mag meer as 1 (EEN) volmag verteenwoordig nie.
12. Die aanvaarde volmagte moet saam met die presensielys bewaar word vir verwysingsdoeleindes.
13. Volmagte sal slegs tydens Jaarlikse Algemene Vergaderings en Buitengewone Algemene Vergaderings aanvaar word van Lede, Lewenslange- en Lewens Ere-lede wat nie die vegadering kan bywoon nie.



VOLMAG / PROKURASIE VORM

Volmag word hiermee deur myself

..... (volle naam)

I.D. nommer:.....

Ingeskrewe lid byTak

verleen aan

..... (volle naam)

I.D. Nommer:.....

Ingeskrewe lid byTak

Om namens my by die Algemene Vergadering gehou op te stem.

Ek kan nie bywoon nie (rede):.....

.....

.....

Handtekening van Volmaggewer Datum

.....

Handtekening van Volmagontvanger Datum

.....